

摘藻堂四庫全書薈要

史部

欽定四庫全書薈要

史部

硃批諭旨卷一百二十五之十五

詳校官編修臣繆晉



欽定四庫全書薈要卷八千三十七

史部

硃批諭旨卷一百二十五之十五

硃批鄂爾泰奏摺

雍正八年七月二十四日雲貴廣西總督

臣

鄂爾

泰謹

奏為欽遵

諭旨斟酌陳覆事案准吏部咨開廣東道試監察御史

高山奏前事奉



旨通行直省實力奉行粘單一紙移咨到臣當經移行

三省欽遵在案竊照馭吏不嚴定滋蠹弊外緣不

絕終難肅清高山所稱外班住省及更換迭充借

厨役水火夫之出入以暗通關節招搖撞騙事所

必有實屬切中在臣所轄三省雖屢經察禁現據

督撫等衙門各吏上班時止帶水火夫二三名竝

無厨役跟進一經入署原不許出入所需食物係

將支領工食銀兩給令轅役代買轉接送入竝無



親戚子弟潛匿住省亦從無外班之名然日久懈  
生猶應不時申飭惟是督撫藩臬衙門上班書吏  
俱令一年更換因地審宜似尚有未便臣本擬備  
悉詳查務使三省畫一可以永遠遵照再行

奏明適廣西調任布政使張元懷以勢有難行摺奏  
奉

旨如秉公權宜可與督撫斟酌地方情形而為之欽此  
將摺鈔示到臣查雲貴廣西三省雖地方各異而

情形畧同所有各衙門書吏不獨愚鈍粗疎半不解事而文義之悖謬字跡之錯訛亦殊屬罕見緣能幹者不多故巧詐者亦少較諸江浙等省之猾吏姦胥實大有間是以臣衙門滇吏向係一季一換黔吏因係隔省向俱半年一換惟粵吏撥自廣東其中不無姦滑因無班可換仍暫時留用三省巡撫及滇粵臬司衙門亦俱一季一換獨黔省藩臬衙門向係一兩月換班不等雖因從前事簡殊

非防閑之意至滇粵兩藩司衙門政務叢雜冊籍繁多向來書吏竝不分班次一切查算書寫俱係同房合辦然不換班者終年在署於所承辦事件猶多遲悞兼且糊塗其換班者每至上班時諸務茫然了無頭緒一經查問則直認邊愚此督撫藩臬各衙門皆然固不勝責草竝無能教誨者也今若俱令一年更換在上班者經年在署家計縈心不免內顧且為日既久婚喪疾病等事仍不得不

給假放歸其下班者經年在家勢難坐守或就近營生或他出貿易及至該班時將文移愈益生疎案件更多遺忘此又可以預料者是一年換班之例就三省論實均有不便也至於藩司責任係出納總匯甄別攸關實較臬司為尤重衙門封鎖自應一體遵行雖據張元懷摺奏意恐兩次開門例須按時封鎖批解錢糧不能隨到全收支領兵餉不能即日全放及一切事務或不免稽遲殊不知

國家定例凡以防弊原不妨公未有公事未畢即行  
封門之理亦未有公務既集仍不開門之理但無  
私曲何礙料理據臣愚見三省督撫臬司及黔藩  
司各衙門書吏斟酌合宜俱請半年一換滇粵兩  
藩書吏雖難議換班然統應關防不得任其出入  
三省藩署俱照例封鎖准其遇事隨開事完即閉  
庶稱妥便是否有當恭候

批示遵行抑臣更有陳者大凡胥役作姦多半串通幕

友而幕友弄弊定須勾結家人操縱惟視本官把柄不在書吏如果本官勤明事事親理寬嚴有制賞罰不撓是即內戶洞開亦原無徑可入設使本官昏惰一應委代事理不知准駁聽便將無論下賤書吏固惟利是圖便伊親戚子弟俱或敗乃事而遂已私是即重門深鎖亦實有線可通况封門不過半日兩次開門時何紙不可夾遞正門尚有瞻顧各署率有便門何事不可暗投物必先腐也

而後蟲生之未有勤明之官濟以嚴正而吏敢舞  
文不惜身命者臣願與天下大吏務先反躬責已  
然後執法繩人庶於我

皇上澄清吏治之盛心或能仰副萬一乎合併具陳伏

乞

聖主睿鑒臣謹

奏

交部鈔錄俟直省議覆俱到時一併議奏有旨

同日又

奏為請

旨事竊照黔省邊界向為生苗所踞前已開通經臣請

於古州設立重鎮八寨清水江丹江等處添設協  
營分布官兵駐防彈壓奉

旨俞允遵行在案但新設弁兵多係內地協營抽撥移  
駐而所添新兵亦係內地招募撥往雖道路遠近  
不等而搬移家口等項需費則均查從前雲南省



移駐維西弁兵及撥往烏蒙鎮雄弁兵因係邊遠  
夷疆俱蒙

聖恩特加賞賚得以寬裕足用今黔省移撥弁兵皆係  
新闢苗地諸未就緒物力艱難搬移路費似可引  
照滇例相應仰懇

聖慈特頒

恩旨著臣酌量遠近分別給賞則新疆弁兵不致拮据  
而益思奮勵矣再定旦來牛一帶生苗接連粵境

阻截江河現已勦撫開通不下五六百里止有兇  
頑數寨尚須嚴懲俟事竣定議即當繕疏請

旨安營設汛以資防範巡查所有應添弁兵搬移路費  
亦應一視同仁合併聲明具

奏伏乞

聖主睿鑒施行臣謹

奏

是另有旨諭頒發

同日又

奏為奏

聞事竊照古州三保地方貼近諸葛大營而車寨尤逼  
處營側營基舊為伊土今既就地建營豈遂帖服  
況撫<sub>臣</sub>張廣泗前往招撫時原止結以恩惠竝未  
示以兵威苗性犬羊何知信義為久長計<sub>臣</sub>竝不  
能安枕去歲在黔時曾面囑張廣泗謂必當相機  
剿除以圖善後續回滇後又經切札告之據覆車

寨恭順已如內地實可以放心及臣因公赴粵調

遣粵兵時名為疏通河道原為古州車寨計曾密

諭副將趙文英令於粵兵到日聲言會勦定旦空

城而出營內止留兵二三百名故示單弱却將黔

粵官兵暗行埋伏以覘動靜俟其反覆即回兵嚴

勦先除此腹心之患則定旦來牛或竝可傳檄而

定時臣此諭原未札知撫臣而趙文英接諭隨一

面稟商撫臣一面覆稟稱實係恭順祈免加兵旋

據張廣泗來札亦以為詞

臣

答云愚非好殺人者

人所共信但恐今日不殺少日後將殺多反是罪  
過耳如果恭順何須加兵其餘不恭順者則無可  
姑息此

臣

從前札諭之節要也查上江之要隘在

來牛下江之咽喉在溶碕諸葛營在中權以扼首  
尾慶遠荔波在兩頭以作關鍵形勢所在應計通  
盤其溶碕一帶雖現無違抗然係通粵要路務當  
安籌又滾裏七寨前曾肆惡亦須大施懲創若一

處或縱兇頑將諸務皆有阻礙利害不在目前功  
過自有

聖鑒復經切札撫臣并嚴諭軍前文武去訖續據文武  
稟報自來牛回營後商議布置滾裏等處五月初  
八日據巡兵稟稱寨頭地方見殺死一人又挑鹽  
一人被苗子殺死鹽皆搶去初九日又據土司弓  
兵被寨頭寨苗子用刀砍破藤帽背戳一鎗又見  
口寨月寨寨頭藏弩苗人隱於樹間擊鼓初十日

又據報殺死挑麻客民一人十四日又報殺死種菜客民二人職等通行嚴查惟車寨前來洗白其餘等寨俱不曾來職等奉令覘中下二保誠偽今果露反覆會議必勦復據八匡把總徐祺生密稟寨頭藏弩約口月二寨勾結山苗要來作反約定先奪八匡冲合寨良苗驚慌逃散等語職等即於十四日飛備船隻搭造浮橋分兵三路施善元帶領守備四員兵一千三百名先往永鎮關駐劄邀

截寨麻一路多伏疑兵拒截四路附和約於次日

聽放號礮從右路進攻趙文英潘紹周帶領遊擊

向之榮守備四員兵丁一千一百名渡過浮橋由

車寨後山會合永鎮關之兵夾攻口月寨頭藏弩

江墨田墨六寨遊擊史應貴帶兵二百名於八孖

河口大張旗幟牽制兇苗使不敢襲我兵之後其

諸葛老營臬司張鉞知府徐嘉賓同知滕文炯率

同守備鄧文選統領官兵九百名駐劄防守又撥



遊擊馬世祿帶領官兵五百一十名防守卧龍崗

大營竝於蜡山寨後山分兵堵防高文高武各處  
山苗於十五日五鼓前進兇苗竟敢擂鼓聚衆吶  
喊放鎗前來抵敵我兵連放靖蠻大礮鎗礮交加  
自卯至酉打殺多人生擒男婦五十餘人所獲盔  
甲鎗礮環刀馬牛等無數另冊詳報我兵陣亡馬  
兵一名土兵一名馬步兵丁輕傷者六名十六日  
復行搜捕河東一路趙文英潘紹周帶領遊守兵

丁一千一百餘員名河西一路施善元率同遊守  
兵丁一千三百餘員名一面搜擒一面砍伐樹木  
以去藏姦之藪隨據土舍楊茂枝帶領口月田墨  
等寨老苗跪路哀求職等察其情形無可逞兇勒  
令獻兇繳械方宥其老幼去訖十七十八兩日據  
江墨等六寨苗人咸跪營門稟稱各寨為惡者大  
半已被誅戮其逃躲者不敢回寨願請招安俟回  
寨一一縛獻從今器械不敢藏留一件等語本司

張鉞等諄切曉以利害指以生死隨發令箭十枝  
准予招安等情臣隨札囑撫臣并飛諭軍前古州  
三保既未示以軍威亦未曉以法紀寸鐵未繳一  
人不殺而驟望其寧帖無此理無此事此番反覆  
固早在意料中猶不幸中之幸事今六寨肆惡其  
中必有一寨主謀時刻隱憂者車寨耳今反以車  
寨洗白為辭若無反念何用洗白既欲洗白於後  
何不出首於先口月等寨在所必戮而車寨亦須

審察萬勿失此機會更待後舉本部院身受

殊恩捐糜不能報凡事務籌遠久斷不忍少有支飾難  
固不辭罪亦不避倘目前惟圖苟安日後又將有  
事即遲至十年二十年官去身亡猶有餘愧猶有  
餘恨此即前諭所謂人禽介盜賊心也諸文武其  
各凜體等語批示去訖續據張鉞趙文英等稟報  
六寨勦洗後羣寨膽落其滾裏一處有龍早佳沙  
黨祥擺裏黨鳩分遮等寨曾逞兇悍伏草傷人隨

復遵諭料理於六月初三日趙文英潘紹周帶領  
備弁兵丁一千一百四十餘員名由右路進發攻  
打龍早佳沙施善元史應貴帶領備弁兵丁八百  
七十餘員名由左路攻打黨祥再調遊擊徐希達  
帶兵於分董隘口策應兼護糧道守備張鳳翥帶  
兵於擺乃隘口堵截查諸葛營至兇寨有七十餘  
里頑苗將路塞斷寸步椿簽酉時方抵賊巢止隔  
數里面山下營兇苗吶喊拋刀終夜擊鼓放鎗於

初四日黎明黔粵官兵攀援直搗兇巢頑賊尚敢  
抵敵我兵施放大礮鉸鎗打死兇苗數十割取耳  
鼻十一副追過數架山梁俱各潰敗初五日趙文  
英潘紹周由龍早佳沙後山搜進大箐施善元由  
黨祥搜進週圍約四十餘里名大雄箐四路窮搜  
鎗礮打死兇苗數十斬獲首級二十一顆懸掛營  
門示衆割取鼻耳四十二副活擒一名奪獲火鎗  
刀桿無算本日隨有通事帶領分擺黨鳩擺裏分

遮四寨苗頭到營洗白稱傷人拒捕係龍早佳沙  
黨祥三寨於初七日備牛砍款鳴誓又帶黨祥佳  
沙二寨苗人跪營悔罪鳴誓而去查滾裏地方共  
計七寨路逕既熟懲創已遍尚不獻兇繳器洗之  
甚易隨於初九日撤兵回營料理車寨等情臣隨  
即批飭車寨為腹心之患屢經密諭嚴勦益亦幾  
經籌畫非了無確見者詎料此報寧帖彼稱恭順  
直信不疑惟恐多事不知該文武等何愛於車寨

始則養癰繼則諱疾若必欲庇護而聽從之者今且潛為口月六寨之主謀暗作龍早等寨之羽翼此實老姦巨猾決非蠢苗比若復姑息養姦終必受其大害今亦無多言示勅示撫聽汝等為之

王法無私軍令具在惟功與罪其各自取大約兇器不盡繳兇寨不盡除即如何調劑如何撫綏恐終為不終年之計以云善後則萬不可得之數也等語諭訖隨據趙文英等稟稱職等會議得古州下保



之車寨勾結情實齊集兩省官兵至該寨兩山四面剗住著令鄉導傳諭勒獻反頭果見兇苗吶喊放鎗公然抵敵職等即督率官兵四路並攻人各奮勇立焚兇巢我漢土官兵內被傷輕重不等共一十五名現今醫治隨取據金盤香亞口供看守外又據口月寨苗呈繳鎗礮并解獻反頭庸了銀有二犯到營隨見車寨包羊等被拏有帶累各寨今也天報之語職等會看得車寨苗民自招撫以

來加恩實倍他處乃該苗外雖恭順中懷叵測前  
勦定旦時苗民即有悔錯聽車寨之語勦除口月  
寨車寨有人幫鎗昨攻中保擒苗頭金宗及藏弩  
頭人懶烘亦供車寨勾結情形龍早寨內又有車  
寨之人是車寨久蓄歹念情罪難寬除將各寨各  
犯逐一嚴訊俟擬罪解省覆勘

題請正法外今日始知批諭所云腹心之害不除則  
四肢百骸終不平復實為深知灼見職等第據其

外貌之恭順並不能察其中藏之險惡目下一面  
遵諭巡察溶硐滾塘誠偽一面親赴上下江會勘  
酌議安置全盤收拾可望永寧等情隨復行批飭  
全局未定難與圖成大害既除尤須防後但屬軍  
器必盡勒繳無餘凡有兇頑必盡嚴拏正法老弱  
幼稚必分別安插之方逃散流亡必審處招集之  
策至該寨地址或分營駐劄或招集住居應熟籌  
妥議其溶硐雖無抗違滾塘雖已羈縻正當察其

情形乘此速為布置勿以一竇之虧致廢九仞之

力則火種必然草根致蔓無事而有事又將多事

矣等語去訖臣查清水江一帶已甚寧帖城工現

築營房現造苗民情願幫工且器械陸續來繳計

報繳到鳥鎗一千四百九十五桿標鎗一千八百

六十根弩弓一千四十二張刀一千五百一口鳥

機九位子母礮一位霸王鞭礮一位鐵盔九頂鐵

甲十七身肯繳兇器則自息頑心古州總兵官原

應駐劄諸葛營臣已檄令蘇大有將清水江軍務  
委交將官料理並檄貴東道方顯總理調度即赴  
古州坐鎮收拾通盤大局其古州各寨據報現繳  
器械子母礮行營礮共十二位鳥鎗二千二百六  
十四桿刀一千七百十七口桿子二千一百七十  
五根盔八十五頂甲二百二十五身弩四十七張  
雖為數不少恐藏匿尚多又經嚴檄勒兵窮搜勒  
令盡繳令一面分兵料理溶硃去後茲於七月十

二日據張鉞等稟稱今古州三保並各處山苗俱  
皆帖服兩江河道俱皆開通軍糧俱皆無誤男婦  
老弱俱已安插停妥俟古州鎮到時便回黎平赴  
省任事其溶硐一帶毫無頑抗所繳器械約共八  
千二百餘件統俟繳盡造冊另詳其營造木植據  
遠近各寨苗民紛紛運到俱給價值并賞腳價一  
切料理應聽各員分析造報粵省官兵候檄凱旋  
等情臣看得古州等處地方遼濶險深界連楚粵

加以强悍富庶器械具全故千百年來皆棄置化  
外而不能制今雖仰賴

聖主威德

指授精詳勦撫開通已二三十里前後所收鎗械亦二  
三萬件然籌度情形欲其知敬知畏不敢逞兇縱  
少有蠢動隨時殄滅似一二年內尚可以就緒若  
欲其知禮讓知法度革心服化一變馴良此內地  
所猶難即悉心調治亦非十年不能敬誦前摺

硃批卿此奏乃無益之往來不必可將三省事宜竭力  
辦理一二年妥協穩當卿可信而不疑時再奏請來  
京但聞此諭若草率辦理只圖速慰朕念倘三省新  
闢事宜或有乘隙反覆文武屬員變移心志懈怠安  
撫至令若輩少有蠢動比時再令卿來料理則內外  
皆致貽誤則不但卿為國家之罪臣而朕亦不免

天

祖之責咎也欽此伏念

臣身受



殊知萬難報稱所以自信者只此一心若或草率辦理粉飾苟安是昧天良是滅人理斷不敢暴棄至此但新闢苗疆約共十餘處計地數千餘里能整頓易求妥當難選才幹之員猶易得忠誠之人甚難惟督撫大吏或自用聰明或專慮成敗欲見長而護短不因事以從人則雖有賢能又將不能用亦且不為所用臣不揣愚鈍為方隅百年計念茲全黔念及滇粵並念及川楚輾轉籌思輒徹夜不

能寐私心自誓惟有矢竭血誠及身努力期無負  
我

慈父以免為罪臣而凡遇文武僚屬傾吐肺肝務規以  
正望為邊疆保障以備

國家任使已耳因奏

聞勦撫黔苗備細情事謹一併覆陳詞過冗長不勝瑣  
屑伏乞

聖主睿鑒

臣謹

奏

覽卿奏報實出朕室外之事何幸如之

同日又

奏為奏

聞事竊照古州都江河道向為生苗梗阻經臣調遣粵

西官兵一面勦撫定旦來牛等寨一面會同相度

形勢劃界分疆建營設汛開路濬河確勘議詳蓋

緣諸葛大營貼近三保地方而車寨尤逼處營側

外雖恭順中多耿抑且定旦伏草傷人之事即在  
車寨地方保無暗相勾結至來牛距定旦九十里  
踞江上流均須整頓藉此兵威大集可以圖定旦  
來牛致河道之通可以謀三保車寨除腹心之患  
將都江上下密置汛防大營在中以扼首尾聲勢  
既壯脈絡相通即此外尚多生苗皆可次第料理  
不致為新疆大害也隨據報副將趙文英潘紹周  
等會勦定旦副將卜萬年董芳等會勦來牛業將

定旦已懲來牛已勦各情形俱經奏

聞在案嗣後屢准撫

臣

張廣泗札及軍前文武各員節

次呈稟自會兵來牛已經勦撫草招草雄等寨後  
有搖排搖曬等寨膽敢逞兇該將等統領黔粵官  
兵二千餘員名於三月初八日直抵草招後山隨  
獲草雄等寨苗民訊問逞兇首從僉云係老你寨  
倚恃地險人衆挾制勾結搖排等寨又附和定旦  
幫助來牛悉是老你為首伊寨在深山大箐中大

木塘塞數十餘道路止一線可通等語職等分兵三路開道穿箐深入三十里鎗礮打死兇苗數十滾箐帶傷者無數官兵又劈門入寨奪礮三位并鎗刀火藥等項次早遠望搖排搖曬止數里我兵直入諛寨苗民等跪道投誠職等暫准投降專攻為首之老你寨復於初九日預先埋伏分兵搜寨焚其巢穴臨晚收兵有附近恁冷等十三小寨聞風畏服到營投順認納錢糧即令其砍箐修路各

苗傾心順從等情臣查黔粵會兵之後連勦兇惡

大寨連撫數十小寨兵威大震各處膽寒自然漸  
歸鈐束而定旦餘孽直似遊魂更何所逃遁故前  
此分兵者可絕其相為脣齒今則合計者可絕其  
互為狼狽隨復諭諸將兩事止作一事觀勿以兼  
顧而致兩失務須聲東擊西自必一舉兩得但來  
牛平宇一帶為將來安營之處檄令卜萬年董芳  
駐劄來牛確試各寨誠偽不得草率將就並料理

修鑿河道議設分防查編煙戶撫馭苗民打造船隻諸務檄令趙文英施善元回營料理定旦善後事宜續據趙文英潘紹周等稟報職等因率師協勦來牛隨攻草招老你諸寨而定旦頑苗無所藏匿遂星散於深箐密林之中正議分兵勦捕該寨犯阿斗阿掌等自知無路可生反歸來求死而沿江各寨頭人亦願以各寨身家保其永無反覆求請安插復業誓以改過遷善查定旦罪在不赦自



應盡淨根株第兇犯阿憤阿同阿花阿雖阿申阿  
烘六人并宗族十餘人未回若將阿斗等擒拏梟  
首不惟阿憤等遠颺而歸來者恐復驚散是以概  
為籠絡具稟請示等情臣隨札囑撫臣并即飛諭  
諸將定旦餘孽原不應准撫屢諭甚明今汝等因  
良寨擔保已准其歸業若復擒殺是為詭詐其何  
以服衆為目前計勒令擒獻阿憤等六犯以覘誠  
偽以分功罪獻則如何不獻將如何明白開諭利

害聽其自擇庶不失信不損威而全勢可以大定  
去訖隨據趙文英等稟定旦雖經懲治餘孽悔罪  
投誠駕馭撫綏尤為緊要須得幹員重兵駐守職  
等議留遊擊周豹統率官兵一千員名駐劄防範  
而於寨北八開亦撥官兵駐劄庶足以上援定旦  
下應都江職等隨帶官兵前往溶碕佈置是則定  
旦底平沿江一路分設疏導諸事更當迅為量度  
也隨復檄令會同妥議詳奪續據卜萬年稟稱自

老你惡寨大創之後累日以來各寨懽欣服搭  
蓋房屋耕種田地貿易人等攜物赴場遠近苗人  
互相交易宛然內地景象所諭諸務現在一二料  
理等情臣再查得上江河道不特現通爛土司與  
粵之荔波縣接壤而爛土司地方有溪河一道進  
至交然寨登陸五十里即係清水江實天地自然  
之形勢但有三大灘及數小灘應行修鑿即檄飭  
獨山州知州孫紹武勘估興修并令查勘五十里

陸路若可一併開成河道則清水江都江呼應通而聲援接苗疆打成一片所關於通盤者尤鉅但欲令都江清水江河道相通其中尚有小阻梗查八寨丹江交界處離來牛二百里距八寨百里偏處東北有擺調方勝等寨素稱兇悍未經招撫因檄令卜萬年相機招撫去訖隨據稟稱該寨知清水江都江水道開通頑苗無可肆惡屢遣通事傳諭負固不服膽敢殺死爛土司司員鹽苗人二名又

將木刻傳至柳疊欲阻截軍糧等情臣隨密檄古

州清水江八寨丹江文武防其勾結令一面酌撥

官兵與卜萬年酌定路數約定日期前起來牛協

力進剿而撫臣張廣泗已料理新募兵丁五百四

十四名前往提臣楊天縱亦撥兵三百名聽候調

遣旋據稟報清江協撥官兵六百餘員名已到來

牛行營又趙文英已親領精兵五百名自諸葛營

前來接應料大兵齊集蠢茲小醜自可一舉殄滅

也所有搖排老你各處又經勦撫并擺調方勝數  
寨現在議勦情形合先繕摺奏

聞再大局一定即應設營前開通定旦來牛等處已有  
五六百里今復勦撫數十寨此外尚須開通是除  
古州等處二千餘里外將來新闢地方又不止千  
里

臣前

奏請於通黔粵河路安設一營添兵一千名分布塘  
汛原止為河路計尚未籌及通盤荷蒙

硃批是題到有旨倘仍覺兵力少單不可將就從事新  
闢如許生苗地界理應增添兵弁者萬不可惜小費  
而致貽後悔如果訓導苗頑俾兇愚之性如內地人  
民各知禮讓法度比時再加抽減未為不可也遵旨  
行欽此

臣

伏讀之下竇深傾服萬里如在目前

指授必中機要臣知愧知勉不敢少有游移應請事竣  
後共添兵三千名於扼要處所設叅將一營令帶  
兵一千五百名彈壓分佈其餘酌歸標協以備援

勦如尚有不敷則用撥駐之法查雲南兵多地方  
無事即歲撥臣標及迤東附近官兵一千名前往  
駐防輪流替換既可以經練亦不為勞苦務期無  
惡不除有頑胥化所謂搏毬亦用全力防貓亦如  
防虎俟三五年後一切如內地然後再議抽減斯  
黔粵南楚呼吸可通而千百年污穢場俱化為乾  
淨土矣再三千名兵一時難以招募如蒙

俞允懇祈



聖鑒准

臣預

行招募陸續克伍統俟分疆設汛通河開

路諸事會詳核議後一併叙明具

題庶不致遲緩而可資巡防謹具摺

奏伏乞

聖主睿鑒

批示遵行

臣謹

奏

覽題到有旨

雍正八年九月初四日雲貴廣西總督臣鄂爾泰

謹

奏為恭謝

聖恩事雍正八年八月初二日臣齎摺家奴蒙

恩賞銀十兩馳驛齎回

御賜臣

圓明園養蠶內織花屯絹二件蜜漬鮮荔枝二餅到

滇又九月初一日臣家奴齎摺回滇復蒙

御賜臣蜜漬鮮荔枝二餅俱隨郊迎至署恭設香案望

闕叩頭謝

覽卿奏謝矣

恩祇領訖敬啓前摺荷蒙

殊批朕安朕躬已大愈矣不必繫念也卿好麼朕此番

愈後光景精神力量較前更勝卿料理地方諸務便

遲緩數載不妨也不必急為措辦矣欽此臣伏讀之

下額手忻忭繼以感泣恭惟我

聖主御極八年無日無時不以百官萬姓為慮即

聖躬違和亦所為何事臣飲食寤寐一有不繫念是決

無天性即賤於臣愚於臣而凡屬聞知倘有不繫

念是皆薄天性者也此其時也懼幸鼓舞臣病方已大愈乃

夏秋

間水湧地震之災乃朕躬有過

昨接鄂爾奇手稟知因直隸山東江南間被水災

天慈

恩薄慈朕深感而敬受之况地震之時朕正在舟

蠲賑兼施日勞

間未

受驚而宮中內外春從皆獲平安朕躬初愈

宵旰

而雲南省現又劣鎮債事烏蒙叛亂自念叨任封

亦不

敢再以憂煩致疾所以過情理處毫未焦勞此朕

疆並無一事能仰慰

之實

意不忍欺欺况御來人亦面見朕躬矣可不必繫

聖懷轉致塵煩

睿慮臣罪通天置身無地雖已調遣官兵立速援剿而

卿悞矣若以後天血氣之私忿處事何能當理況此等

三省重寄未便親師敢祈

事豈人力之所能使然禍兮福所倚焉知此舉非

聖恩立賜罷斥

上天賜以永永奠安之恩乎倘蒙

簡命賢能大臣料理總督事務暫假臣以兵權俾親往

天地神明慈佑經此一番使頑蠢不敢再肆其狂而地方

進討臣雖不才必能殺賊擒虜以洩此恨以雪此

文武亦不敢疎忽防範何幸如之朕從前屢次訓誡者

恥謹繕摺扣差臣家奴齎

意中只覺必有此一反覆卿可寧神平心次第辦理愧

奏恭謝

憤二字甚屬可笑親往之說割雞焉用牛刀至於劉起

聖恩附陳微悃伏乞

聖元既主睿負國鑒施行臣謹其奏  
可輕信屬員之忠誠概必其人之皆能感化也能悟此

不但知信人之不可即自信亦不必也順應御人聽其  
自取此一事即

上天賜卿訓誡之恩也可懽欣鼓舞料理之其他無益之  
意念皆可不必況此事非卿之咎亦朕之過卿乃因朕  
躬違和繫念至今精神紛亂料理地方不專不誠之所  
致朕實毫無罪卿之意也期共悔過祈恩以迓

天地之慈佑可耳

同日又

奏為勦平兇寨事竊因古州地方疏通河道中有陸路五十里江流隔絕且未撫生苗擺調方勝等寨素稱兇悍盤踞其地勾結梗頑不遵誨諭勢須剪除前經臣

奏明隨已密札古州總兵蘇大有清江事竣即回本鎮就近調度著黔副將趙文英卜萬年統兵進勦

該副將等各遵飭諭趙文英卜萬年各領官兵一千三百名由來牛至八寨會合續據該副將等稟稱八月十六日俱由八寨起程十七日由者飛分路前進俱係高山密箐至申時約行五十餘里在甲石會合正在剗營即有頑苗千餘於對山蜈蚣嶺吶喊放鎗逞兇此嶺相去兇巢二十餘里官兵奮力追趕過河上嶺兇苗越嶺奔逃因日色已晡難以窮追仍回甲石行營屯剗分撥備弁兵丁七



百五十餘員名於嶺上露劄設伏以窺動靜聽得  
兇苗徹夜吶喊於十八日黎明趙文英帶領官兵  
由左路前進卜萬年帶領官兵由右路前進攀藤  
附葛越石沿崖於辰刻直抵擺調賊巢兇苗膽敢  
恃橫公然拒敵官兵奮勇殺死頑苗一百餘人搶  
獲鳥鎗環刀桿子銅鼓等件兇苗奔箐潛逃即將  
賊巢大小三寨焚燬乘勢追至方勝四路攻打將  
大小四寨盡行焚燬日暮收軍回營十九日黎明

各領兵會合搜箐殺死頑苗多人餘多奔至擺保  
楊烏二寨查擺保楊烏與擺調方勝四大寨土苗  
稱為四兇相離約三十餘里山箐深險路徑盤曲  
隨穿箐越嶺追至二寨苗衆吶喊放鎗復公然拒  
敵官兵併力攻打施放靖蠻大礮攻破兇寨殺死  
頑苗二百餘人鎗礮打死者無算搶獲烏鎗環刀  
桿子牛隻等件我兵帶傷者外委把總一名黎永  
昌傷死步兵一名彭書紳官兵憤恨復焚燬二寨

兇巢燒死甚多收軍回營通計兩日之內焚燒九寨殺死數百兇苗仍恐餘兇未盡俟盡力搜洗務盡根株等情到臣臣查古州新疆以諸葛營居中坐鎮而都江清水江左右環抱中有丹江為之接引所隔陸路止五十里之地一為開濬則三江會合楚粵皆通誠自然之形勝而頑苗等以失其險要無可藏姦以故多方梗阻若不盡除兇寨即良寨亦難伏帖隨復嚴飭該將等務必乘機借勢徹

底清理永杜後患去訖其凡開河設汛事宜現在  
議商即當會疏請

旨所有勦平兇寨情形合先

奏報伏乞

聖主睿鑒施行

臣謹

奏

欣悅覽之官兵爭先奮勇甚屬可嘉俟功成事定之日  
題到自有恩旨其應如何犒賞處卿酌量傳朕旨賜賞

以示鼓勵可也所用錢糧可達部存案題銷

雍正八年九月十四日雲貴廣西總督臣鄂爾泰

謹

奏為密

奏事竊烏賊叛逆經臣奏

聞並備陳緣由於十三日

題報及本章行後於十四日子時據東川知府羅得  
彥武定營叅將南天章督標遊擊王聯封等報稱

祿鼎坤之子祿萬福居住魯甸聽信賊衆共行謀  
反已緊逼東川祿鼎坤之弟祿鼎明在大營膽敢  
行刺已經伏誅等語臣查祿鼎坤原係兇惡終難  
革心只因既已投順故暫請羈縻示以誠信荷蒙  
聖恩著臣送京引

見補授河南叅將並著臣照看家口因令伊子祿萬福  
暫回魯甸料理產業其餘妻女二幼子並伊弟鼎  
明仍留在省城以為牽制及報烏蒙叛亂鼎明力

求隨軍

臣

准隨往威寧續威寧軍前亦知祿萬福

被賊脅從叛逆顯然鼎明極力訴冤欲赴東川魏

翦國行營剖白招撫

臣

以祿鼎明一人即便反覆

無所逃遁因令本標隨征劉漢甲押伴軍前並密

諭魏翦國留心防範但有形跡即刺正法乃祿鼎

明知祿萬福反謀情實必將不免早差家人於東

川一路布散流言勾約舊東川土府之的派祿良

珍等寨謀復東川糾聚衆獮合併烏夷欲政府城

而府城內拏獲姦細一名即係鼎明家人初九日  
鼎明到營即拔刀行刺魏翦國隨立將鼎明正法  
臣隨於是夜將祿鼎坤家口盡行拏禁現在訊供  
懇祈

聖鑒將祿鼎坤交部拏禁嚴訊通謀情弊如鼎坤已赴  
任祈速

敕下河東督

臣

田文鏡密拏確訊並飛移

臣

知以便將

伊家口正法專此繕摺差

臣

家奴馳



奏伏乞

聖主睿鑒施行再東川一路官兵已到二千餘名可以  
無虞威寧一路已到官兵二千餘名且威寧土目  
誓不從賊其餘官土兵陸續可到提臣張耀祖已  
先帶本標官兵於十五日可以到省合併陳明臣  
謹

奏

照所奏諭田文鏡矣但此事恐祿鼎坤未必知情或有

冤抑情節亦未可定俟審明自有分曉

雍正八年十月十七日雲貴廣西總督臣鄂爾泰

謹

奏為官兵報捷恢復烏蒙事竊照烏蒙猺賊叛逆情

形已經臣奏

聞并具

題在案隨據東川威寧鎮雄等處羽書告警并據武定宣威霑益尋甸畢節等處請兵貼防查東川一

路烏獐萬數半已渡江江外則勾連涼山下方阿  
驢各賊以為倚仗江內則糾合巧家營者家海以  
為黨援其禍胎始於祿鼎坤成於祿鼎新祿萬福  
而東川之祿良珍祿應爵祿天錫祿承鼎等凡祿  
氏兇目皆起而應之自近江如則補以扯地方要  
截江路近城如以則以擢地方窺伺城垣東川境  
內如挖泥矣氏歹補阿汪等寨東川境外如急羅  
箐施魯古牛畢古等寨迤邐至於武定尋甸凡進

東川隘口拆毀橋梁沿途堵塞以致往來斷絕聲

息不通威寧一路阿底為咽喉則勾通頭目黑寡

暮末構雄等賊鎮雄一路奎鄉為鎖鑰則勾通頭

目施額法漏阿路副刀等賊殺傷塘兵搶刦糧運

施弩放礮公然拒敵且串結漢姦代傳木刻遍委

姦細四布流言以致賊勢洶湧民心惶惑臣一面

飛調各路官土兵丁一面出示諭以逆賊即時撲

滅毋得驚慌令各地方官團練鄉兵以資守望復

嚴緝漢姦密拏姦細皆已屢經擒獲訊問確供并  
得賊內情形隨皆臬示至凡出師弁兵因倉猝派  
調已各賞銀一兩并氈衫棉襖各一件運糧夫役  
各照民間價值少酌加增通計兩省所調官兵共  
一萬數千名土兵半之無不踴躍用命宵夜前驅  
除分防各城池各要隘外盡以撥東川威寧鎮雄  
先分三路掃除羽黨羣兇再圖會合進剿烏蒙逆  
賊東川一路經委新授臨安總兵官魏翥國總統

兵馬仍聽提臣張耀祖調度續因魏者翦國被刺帶

傷隨改委楚姚總兵官官祿威寧一路委安寵總  
兵官哈元生總統兵馬以未到任梧州協副將徐  
成貞副之鎮雄一路有鎮雄營叅將韓勲勇敢可  
用仍令聽哈元生調度自九月十八至十月初七  
日據韓勲報稱九月十二日鎮雄土目施額者布  
法漏者約等勾通烏賊聚衆數千將東蒙鎮標所  
失盔甲旗幟號筒等大張聲勢官兵目擊心傷奮

勇爭先無不一以當十於本日巳時至十三日巳時在莫都都地方一晝夜血戰二十七次殺賊三百餘人帶傷者無算夷賊奔號潰散連破四寨盡行燒燬而州城附近有逆賊剗刀說草等在雨撒河以那山箐搶刦行人並詐稱隴慶侯庶母二祿氏招兵聚衆州城居民驚慌賊復謀逼二祿氏往主賊寨二祿氏死效忠逆賊解散知州徐德裕密差鄉約兵役將剗刀說草并剗刀之子阿夏等

俱經拏獲訊明確供皆立刻杖斃民心始定九月二十六日又有夷良一帶地方叛目阿路等帶領烏賊共七八千剗立奎鄉對面山嶺至二更時候掌號吶喊甚是猖獗因黑夜不便攻擊二十七日帶領官兵前往膽敢分作九股迎來拒敵官兵分七路攻擊自辰至申鎗礮刀箭傷死者百餘人帶傷數百餘人斬獻頭目首級六顆夷賊大敗二十八日賊又於寸鐵塘地方離營盤五里搶刦倉房



分十路前來卑職等分五路攻擊自己至酉夷賊  
傷死者二百餘人帶傷者三百餘人生擒四人斬  
首級五十餘顆復令雄所土目安國興抄截後路  
殺賊五十餘人賊又大敗至十月初二日辰時逆  
目等仍敢分兵十路卑職帶領官兵仍分路攻擊  
自辰至午勦殺夷賊斬獻首級六十餘顆傷死者  
二百餘人帶傷者不計其數賊奔入山谷各官兵  
戮力追殺直至賊營焚其營寨逆夷奔散等情

臣

查鎮雄州屬之奎鄉係接烏蒙要隘離州城四站

該營額兵除留城分汛外時韓勲所領駐劄奎鄉

者不過四百人敵賊數千血戰一日夜殺賊數百

連破四寨非具忠勇之氣不能奮力如此即後三

韓勲

此番之忠勇所建功績實史冊所罕載者朕欲即

用為

烏蒙鎮總兵已有旨問卿矣朕嘉喜之情筆不能

衆大挫賊鋒實自韓勲始臣隨從優獎勞以示鼓

諭當

優獎者

勵并撥調漢土官兵二千餘名星速前往庶存防

進勦皆可敷分布此鎮雄一路之情形也自九月

二十二日至十月十五日節據張耀祖咨并鎮將等驢報烏賊勾合東川諸夷在府城四境太箐口土城馬鞍山馬五寨挖泥寨等處焚掠村寨截斷糧運殺傷塘兵魏翦國於九月十一至十四等日遣將出勦官兵奮勇日斬數十級百餘級不等九月二十一日遊擊王曜祖張超等前往隱草箐海山箐搜勦各遇賊數百人殺死甚衆生擒猓賊九人獲有長鎗并牛羊等件又於二十二三四等日

王曜祖等由小龍潭前進東川有夷賊數千堵禦拒敵每日率領官兵奮勇對敵斬獲首級甚衆至二十七日總兵官祿自小龍潭起程前進行至歹補有夷目沙七福受等訴求招安二十九日相率老幼男婦齊至行營叩見准撫行至以濯河有夷賊數千阻住要口於山梁安放滾木擲石官兵奮勇鎗礮齊發帶傷滾崖而死者不計其數連斬首級數十顆獲弩弓長鎗甚多於戌刻抵東川府城

迨十月初四日官祿遣遊擊紀龍等帶領官兵直

抵挖泥寨一帶賊營猱賊數千攻擊數次賊衆大

敗燒燬扯戛黑龍潭拖姑等處十三寨救獲被擄

民婦子女七名口又遊擊王先由武定僻路前進

東川駐劄畢古壩擒獲賊人勿替等訊取傳播木

刻并賊寨情形隨於十月初四日將勿替斬首祭

旗帶領官兵前進勦捕賊衆遠望逃竄追趕十

餘里初五日追至古牛寨後山賊衆躲藏密菁官

兵鎗礮齊放打死十餘人帶傷滾箐者甚衆初七日復追至古牛堂自辰至申斬殺死傷無數又初五日遊擊何元守備張其貴奉提臣委勦捕阿旺急羅箐據報自辰至申殺賊三百餘人賊不能支跑入箐口堵守寨柵官兵於山上山下四路夾攻賊哀求投降我兵入箐追搜活擒男婦大小二百三十一名口又斬賊二百一十三人夷賊遁入堂頂復追斬數十人初六日辰刻移兵到噶得三台

堂柵梁賊衆踞險施放擗石弩箭自辰至申將堂  
打開賊衆殺傷甚多於十五日總兵官祿驗報遣  
遊擊紀龍等勦洗者家海逆獮查者家海寨大人  
衆東川第一兇頑即由魯甸進烏蒙捷路也訪得  
者家海賊首陸承爵等皆聚於山後三多多等寨  
初十日官兵分兩路攻打殺賊無數賊衆滾箐奔  
至江邊官兵追至賊衆過渡不及盡投水淹死等  
情查東川逆目半係祿姓緣烏賊叛亂祿鼎坤之

子祿萬福等通行勾結乘勢過江搶廠刦糧肆行

擄掠幸臣於七日內已調到官兵二千名東川得

保無恙且間日出勦賊多死傷隨後官兵大集初

至數千今滿一萬但能鼓勇前驅何難數日而定

張耀

祖朕原不深取因卿各處委遣皆能幹事而李衛

復數

次陳奏其優朕幾自以為識錯觀此則朕前所觀

究屬

不爽不過一老練俗將耳此番舉止在伊亦竭盡

心力

奈其才有有限何朕意欲調署固原提印哈元生朕

不得已屢檄嚴催切札激勵示以我有必勝賊無



向來

甚以大器賞之此番恢復之功實非尋常人之所

可恃速則成功緩將誤事戰不利罪不諉人言不

能者

朕欲將哈元生補授滇省提督卿以為何如

聽過不在我張耀祖始撥官兵淺進分勦及一進

勦而賊已披靡望風奔竄雖氣已少振終不免就

易避難

臣

因飛調官祿回省面示機宜令獨任東

川酌行勦撫咨會張耀祖著領官兵六千名速進

魯甸會合哈元生料理烏蒙事緣烏蒙業已恢復

掃靖頗易張耀祖熟悉形勢調度不難此東川一

路之情形也自九月二十四日至十月十五日節

據哈元生報稱九月二十一日烏蒙逆賊約有二萬分作三股漫過官防海子張旗吶喊殺途前來隨親同副將徐成貞署叅將曾長治從得勝坡帶領官兵分三路迎勦鎗礮打死賊衆無數斬賊首三十餘顆進退十數次賊大敗始散於二十二日賊又分十二三路而來有威寧阿底叛目黑寡膽敢衝鋒直前用長鎗來刺本職一手隔過隨拔箭射中黑寡落馬墮地斬其首級又隨射死兇目暮

末一名殺死賊衆無數生擒賊十三名隨於本月  
初八日由得勝坡拔營前進以那地方逆賊數萬  
在對過山梁張旗吶喊接連十有餘里官兵雖強  
幾有衆寡不敵之勢本職激勵三軍宣諭憲令於  
初九日夜密令叅將康世顯遊擊王友文曾長治  
各帶領官土兵分作兩路潛遶賊營左右後山埋  
伏奇兵各聽號礮出奇攻擊至初十日五鼓率同  
副將徐成貞并土千總安天爵等帶領官土兵由

中路前進賊衆分數股前來迎敵官兵一人不動  
直至相近號礮一聲然後一齊奮勇鎗礮并發而  
此兩路奇兵亦一齊突出賊衆不能抵敵大敗四  
奔官兵乘勢追殺連踏賊營八十餘座追至稻田  
壩復冒險殺過松林直搗巢穴凡東蒙鎮所遺盔  
甲器械及賊衆刀標鎗弩并窩蓬鑼鍋衣服乾糧  
等件沿山拋棄即於本日直抵烏蒙城外之鳳凰  
山駐劄恢復郡治特差陣前守備段福飛報大捷

等情臣查總兵哈元生調委總統於九月十九日

始抵威寧時官兵不過二千餘名所帶領駐劄得

勝坡者纔止千人兩戰兩勝大挫賊鋒及至手射

凡見

此奏斷無不歡慶鼓舞愛服哈元生者况朕躬即逆目而賊膽已寒有望見旗纛而即奔者繼官兵

再徐

成貞朕甚愛賞之前恐其行不逮言今觀此番奮既集不少停留選兵三千人副以土勇剋期進剿

勇尚

何不可信卿前言只可副將之任則朕觀人之士氣百倍不二三日破賊數萬恢復烏蒙此非止

似較

勝也朕今欲將徐成貞請哈元生之任卿以為何謀勇過人實由忠義在念而副將徐成貞決策叅

如可

速回奏謀齊心努力官民兩稱之此威寧一路之情形也

竊思烏蒙之變固造謀於祿鼎坤寶成禍於劉起

元蓋我多鎗礮賊止刀弩如果兵有訓練官有防  
閑賊便生心亦斷不敢妄動即或事起倉猝寡不  
能支時有商民萬衆皆欲效死殺賊亦可據險抵  
禦以待援兵乃劉起元并未一出衙署擁兵護守  
卑詞求和所有官私盡以予賊而賊愈橫逆坐致  
傾陷今哈元生於二旬之內已克復烏郡各路弁  
兵奮勇誓欲滅此朝食即運糧夫役莫不踴躍前

驅此皆我

皇上之深恩厚澤浹骨髓各思圖報之所致而年歲豐稔天氣晴和於九月初一初四十二三等日每遇遣發官兵時五色雲疊見若示人以無恐者臣

每聞捷報感幸之餘益切惶愧有忝封疆致塵

何必只存此見解朕實不取

聖慮實無地自容也現已飛催張耀祖星速前進分路

窮搜務獲渠魁盡屠醜類所有安插調劑事宜已飭徐成貞會同文員一面料理其烏蒙鎮奔出之

兵丁現有五百餘名諒投到者尚衆俱無庸置議  
未經被害之文員備弁均有應得之罪未便寬縱  
即領兵進剿之提鎮以下及將弁等官強怯不一  
功過各異亦應據實糾叅未便瞻徇但用人之際  
不得不暫時隱忍以重軍威統俟事竣之日分別

具

甚是

題聽候部議除援進藏例募兵克伍并糧運脚費軍

需犒賞另疏請



旨外所有官兵報捷恢復烏蒙情形合先奏

聞伏乞

聖主睿鑒


臣謹

奏

覽凡犒賞此役皆從裕厚不可稍存省費小見公用正  
項只管酌量動用摺奏以聞朕自有旨諭



硃批諭旨卷一百二十五之十五



總校官庶吉士臣侍朝

校對官編修臣莫瞻菴

謄錄監生臣江潮

欽定四庫全書薈要

史部

硃批謝音卷一百二十五之十六

詳校官編修巨繆晉

欽定四庫全書薈要卷八千三十八

史部

硃批諭旨卷一百二十五之十六

硃批鄂爾泰奏摺

雍正八年十一月二十八日雲貴廣西總督

臣

鄂

爾泰謹

奏為遵

旨議覆事雍正八年九月十九日承准內閣大學士公  
馬爾賽等寄字內開雍正八年八月十四日內閣

奉

旨鄂彌達所奏諸條事關重大是否可行著將原摺密  
封寄與總督鄂爾泰悉心斟酌定議具奏欽此并將  
廣東撫臣鄂彌達原摺一扣遵

旨頒發到

臣臣

詳核形勢悉心斟酌謹將逐條事宜叅

以末議敬陳如左據鄂彌達奏稱請於古州鎮添  
兵一千名都勻協添兵一千名丹江營添兵一千  
名清江協添兵一千名共添兵四千名俟三五年

後帖然無事再議酌減等語臣查古州等處地方

綿亘二三十里苗衆數十萬戶界連黔粵南楚環繞八寨九股清江丹江地廣人庶出產多而秉性頑雖已經開闢而信義未孚防其蠢動全藉兵威現在古州設鎮清江設協丹江設營都勻改協業經奉

上旨遵行合算兵力已足資彈壓緣新開都江河道已直達粵西如上江之定旦來牛平宇等處下江之溶

硃等處并聯絡清江之擺調方勝等處又拓六七  
百里地防汛需兵是以臣於七月摺內請於事竣  
後共添兵三千名

奏明在案今擬請於來牛扼要地方添設一大協帶  
兵二千名與諸葛大營互為犄角以一千名於溶  
硃擺調等處及沿江一帶分防設汛似已可敷用  
若再添兵一千名則應於古州鎮暫設援勦一營  
以備調遣俟諸事就緒即將此一千兵移駐大定



仍改協為鎮庶黔西一路皆可資控制蓋大定即水西係安氏餘孽此鎮原不應裁考諸前事不得不顧慮再添兵四十如蒙

俞允合之原數已一萬二千餘名非古州一鎮所能管轄應請將都勻協再改一鎮庶便於稽查合先一

併陳明伏候

事竣之後具題請旨如目下有應急為辦理者可即一  
採擇至鄂彌達所請於古州鎮都勻清江二協丹江一而舉行

營各添兵一千之處無庸另議可也又據鄂彌達

奏稱添兵急需籌餉查通省新舊兵丁共二萬九千六百四十三名每年需糧一十萬六千七百一十四石八斗額徵秋糧共一十一萬六千八百一十石有奇內附近各營可以設法輓運支領本色者只有六萬三千七百餘石僅足半年之糧查湖南辰州府屬之沅州與黔屬玉屏縣聯界今清江一帶河道開通自沅抵黔水路往來尤為便利仰

懇

聖恩俯將沅州割歸黔省管轄所有該州每歲額徵秋糧用船直運清江等協營就近支給又查古州苗地出產樹木棉花白蠟等項向緣河道不通生苗阻絕以致商販稀少且黔地素不產鹽皆藉川淮鹽觔價值甚貴兼之布帛鮮有今河路疏鑿開闢已廣正可乘時利民如蒙

俞允將沅州歸黔則運米之回空船隻即載苗地貨物帶往湖廣江浙各處發賣賣完之日即載淮鹽紬

布赴黔販賣如此往來運售交相濟用則謀生之

苗猥漸化為守法之良民瘠薄之邊方將變為富

密咨

湖南督撫相商 若可行具本題請

饒之樂土等語 查湖南沅州原與黔接壤今河

道已通毫無阻滯且沅州之平三里四八兩甲因

攬越黔省玉屏縣境內共田地塘二千一百七十

五畝九分零共該徵條餉銀八十八兩七錢零及

桑地人丁監生等項業經湖南撫

臣

趙宏恩

題請應歸黔轄奉

旨依議欽遵在案若將沅州改隸黔省實諸事稱便但  
有益於黔者未必無損於楚且湖南辰常等府止  
有條折半無秋糧如沅州歸黔全徵本色是否便  
此事現在部議民均未可臆度應請

敕下湖南督撫二臣通長酌議非臣所敢冒昧置議者  
也又據鄂彌達奏稱都江河道現在開通舟楫直  
達粵西柳慶二府查二府屬近水州縣歷年支放  
餘剩改貯之穀甚多若令古州按季遣員赴粵近

水州縣支領餘剩米穀接濟不特輓運省力而在黔無馱載之苦在粵無紅朽之患且可以巡察河道招致商販一舉兩得等語臣查新疆兵米最關緊要黔省不敷支放粵省歲有多餘為權有無用資接濟臣前於赴粵時即派官兵協同黔員力開都江河道固已早籌及此續河道已通商賈絡繹隨經札商黔粵二撫臣會

題請

旨聽候部覆此無庸再議者也又據鄂彌達奏稱四川重慶府所轄之酉陽并酉陽所屬之邑梅平茶石耶地把等土司離府十八站離黔屬之思南府僅五站地界相連因離川寫遠以致該土司等匿犯藏姦橫行不法且地方遼濶土脈肥沃每有銅仁等府貧窘百姓彼處開墾完納土司租賦稍不遂意百般凌虐考之黔志思南府屬之甫南圖地方久被該土司占去以致

國賦虧縮似此侵課害民亟宜鈐束清理今酉陽等

司應請就近割歸黔省管轄等語臣查酉陽土司

前明時原隸黔省因紅苗作亂改隸楚省嗣因六  
里地方叛踞不便管轄又改歸川省離重慶府八  
百里距黔省銅仁府不及二百里其邑梅石耶地  
把平茶四司至銅仁府止一百六十里更有一百  
三十里者其酉陽土司冉元齡因離川省寫遠夜  
郎自大無惡不作擅敢設立五營副將五人守備



五人千總二十人把總四十人衙門大旗書崇文  
振武四大字地分十二里恣意徵派鄰司受其壓  
制土民被其苛虐間有赴省控訴者即遣土弁半  
路截殺其餘橫肆尤難枚舉臣於去歲駐劄貴陽  
時即據銅仁府知府姚謙稟稱有附近酉陽之平  
茶土司楊正鸞呈請歸黔并稱石耶地把邑梅三  
司與彼同族素受酉陽凌侮俱願歸黔管轄又有  
與銅仁接壤之小江里衆民田仁華等呈稱小江

里地方周圍七百餘里約有三千人戶每年上納  
酉陽司錢糧共有一千餘兩情願歸黔輸糧當差

臣

密諭姚謙細詢原委咸稱酉陽及平茶等司原

隸貴州康熙二年始改隸四川冉元齡兇惡日甚  
無人能制曾具訴川省俱未准理土司懷恨必將

置之死地望乞作主等情該

臣

看得川屬酉陽土

司冉元齡之不法與楚屬之容美土司田畧如無

異為邊方計終難姑容

臣

前曾摺

奏荷蒙

殊批開示令待岳鍾琪凱旋是以暫緩料理茲據鄂彌達請將酉陽及平茶等司改隸貴州就道里之遠近論控制之難易黔非利其有川亦樂於還勤勤約束緩緩圖維似於事機兩無妨礙至於招墾地土以資糧餉皆事所必及而非所應先者也是否有當伏乞

當緩

為者

聖主睿鑒施行

臣謹

奏

覽

同日又

奏為欽奉

上諭事雍正八年十一月初二日承准大學士公馬爾賽大學士朱軾張廷玉蔣廷錫寄信內開雍正八年九月二十八日奉

上諭前因吾弟怡賢親王時常抱恙曾寄信與總督鄂

爾泰若知有精於醫理明於養生之人可資送來京  
以為調攝頤養之助今吾弟仙逝其從前所言修鍊  
養生之人不必送來若有醫學精通之人仍著送來  
又前日曾將朕躬違和適得異人賈士芳調治有效  
之處批諭鄂爾泰今賈士芳虛詐姦回猖狂無忌朕  
悉行察出將伊正法恐鄂爾泰聞之疑與前旨不符  
并疑朕躬尚有未經全安之處爾等可寄信與總督  
言賈士芳乃因姦邪不法罪無可貸與調治朕躬無

與也朕躬今已十分大安爾等係日侍朕之大臣可  
寄信告之令其欣慰又朕前次曾諭總督於來春進  
京陞見可令伊將地方事件一一料理停妥於開春  
起身按程徐行欽此我等遵

旨寄信前來從前

聖體違和自八九月以來已經大安我等日侍

天顏仰見

聖躬精神煥發氣體壯盛更勝於前實已十分大安此

皆我

皇上誠敬日強

天心眷佑非方士醫術能為毫髮之力也賈士芳因姦回  
不法自取誅戮在廷臣工無不仰頌

聖主之乾綱獨斷實從古帝王之所不能總督聞知亦  
必欽服欣慰等因到臣竊臣屢蒙

慈諭敬悉

聖體全安家奴親覲

龍顏備述精神煥發又復傳示

聖諭暨大學士公等同辭稱慶萬里臣心如傍

九重之左右終身孺慕得慰百念之縈迴實懽欣而抑  
鬱頓舒因慶幸而瞻依倍切至妖人賈士芳虛詐  
姦回難逃覺照

乾綱獨斷維世道以正人心

天命常新錫純嘏而申保佑此惟信諸莊敬日強之

一人并可告諸普天率土百官萬民使共知其信者也



臣實不勝忻慰不勝欽服其醫學精通之人臣敬  
當加意訪求蒙

恩准

陞見臣已於十月中摺內陳明俟烏蒙等處佈置停妥  
於明年八月初自滇起程合併繕摺覆

奏伏乞

聖主睿鑒臣謹

奏

亦且不必拘定八月至臨期相機再行請旨

同日又

奏為勦除逆賊疏通兩郡恢復三關各路報捷事竊  
自烏賊逞兇堵塞各隘截斷牛欄江則與東川阻  
隔截斷伐烏關則與鎮雄阻隔截斷豆沙關則與  
川境阻隔截斷大關則凡屬烏蒙聯絡三省之界  
俱為阻隔此聲息之所以不通而兇燄之所以忽  
熾也及烏郡既復之後雖奔逃四竄實各踞要口

如牛欄江逼近魯甸正逆賊巢穴所恃為憑陵之  
區故江內江外分佈蔓延兇鋒甚烈猝難解散至  
若三關均屬天險懸岩峭壁箐大林深失之雖易  
得之甚難至於撒魚河馬鞍山高魯箐等處各皆  
賊騎數千不時往來窺伺官兵初入烏郡時不過  
五千有餘僅敷彈壓難資掃除而川省則道路甚  
遙鎮雄則兵勢無多故於總兵哈元生則囑其少  
待於提臣張耀祖則催其前驅蓋通計大局東川

緊連烏蒙而與東川接壤之尋甸武定宣威三府

州最關切要自張耀祖統領大兵駐劄功山由功

山前抵東郡沿途安臺設站尋甸之路已通而武

定則阻於畢古壩宣威則阻於者家海故於畢古

壩一路先之以遊擊王先繼之以遊擊曹士貴者

家海一路先之以遊擊紀龍繼之以遊擊范昉彭

之義各令奮力攻勦使武定宣威兩處血脈速為

貫通而六營長九伙目則囑提臣分遣官兵搜捕

逆寨內患既除外亂自靖然後直渡牛欄江連絡  
魯甸庶皆可就緒

臣

前摺

奏至今已踰一月進兵之檄既晝夜頻催報捷之文  
亦朝夕疊至續據遊擊王先由武定進兵沿路勦  
滅已直抵畢古壩而遊擊曹士貴亦到畢古壩會  
合逆賊聞風逃遁隨進至大魯壘分兩路抄上逆  
猱弩石交施官兵奮勇鎗礮齊發打死賊人甚多  
餘各星竄十六日招撫阿易路一帶苗猱民人共

一千二百六十八名口又在紫牛坡查獲漢姦陳仕教等解赴提督行營俱經梟示十九日在小江口駐劄聞有賊衆欲渡金沙江往四川逃遁行至多步可地方隨分遣官兵前往搜捕賊衆搶渡漂流淹沒者十餘人擒獲賊首祿配等解赴提督行營救出被擄漢人老幼男女二十四名口隨給米糧移交東川府安插畢古壩既清而武定與東川之路通矣自紀龍等進勦者家海而逆賊勢窮弱

者皆求招安强者各皆逃竄時宣威州團集土勇  
千數百人經臣准其効力已抵者家海進至牛欄  
江於陡紅箐遇賊持弩抗敵土兵奮勇殺賊并生  
擒賊首祿承爵之繼母及男女二十名而遊擊紀  
龍范昉彭之義等先後拏獲祿承爵之叔革舍火  
頭沙壩及以勒寨賊黨禾利戈客者卡共二十七  
名祿承爵之妻安氏子阿六及互補頭人麻色者  
機直補頭人沙奈卡備卡租等共二十一名又過

牛欄江至直補箐官兵密分四股一齊進攻鎗礮打死賊衆大半餘皆奔逃至革舍火頭沙壩前拏獲時因勒令拏賊故暫且從寬至是率孫祿元龍到營出首阿固祿承鼎管下夷人你布等并阿固火紅等處逃匿逆黨求賞員押往擒獻隨差并押同拏獲男婦大小共六十五名口及牛馬等物并擒以勒寨頭人阿迫阿樹福壽俱係祿承爵死黨又據可可夷人戈色報有猓獠機革機則今來投



誠訊供祿良珍家口確實所在隨密差官兵前往  
押令機則引路四面圍擒共獲男婦大小一百三  
十五名口又救出難民五人又復查得阿得六壘  
離者家海百餘里有逆黨潛藏即帶領官兵直抵  
賊壘遇賊拒敵官兵施放鎗礮賊衆四潰是賊首  
祿承爵雖同祿良珍等逃避巧家營尚未就擒兩  
路官兵早已會合則宣威與東川之路通矣宣威  
武定兩路既通而逆賊巢穴各宜掃靖查東川四

境沿途堵截殺兵刦糧者則有阿汪施魯等賊乃遣遊擊張翰彬等進勦據報十月十五日官兵既入探得逆賊潛匿白石崖大箐即帶兵前往賊沿途砍木塞路密下竹簽官兵開路拔簽奮勇而入賊衆千餘前來拒敵官兵用鎗礮攻打自午至酉打死逆賊數十人十八日官兵搜擒逆賊至革黑會合遊擊何元跟蹤至烏羅河賊有五六百人占踞山梁施放弩箭擡石我兵奮勇攻打自辰至午

鎗礮傷死二百餘人餘賊滾箐而逃拏獲乘機竊  
擄之漢姦許登科張國彥袁標三名當解提督挑  
筋釋放至於結黨擄掠肆行刦殺者則有卑七五  
龍弩革等賊乃遣護叅將張其貴等進勦據報十  
月十七日至卑七劄營聞五龍寨後箐內有夷賊  
藏踪隨分兵四面圍攻又於紫牛坡拏獲漢姦張  
瑜五龍猓賊長壽俱係逆黨亦訊明梟示正在搜  
箐之時忽箐左山上深林之內復有賊搖旗吶喊

官兵前往擒拏獲旗一桿殺死賊數十人生擒十七人亦於彼地斬首示衆擒獲逆目祿有福之妻并賊猓男婦一十七名口於二十五日帶領官兵前進至阿泥卡劄營二十六日分兵下山至魯補箐有賊數百手執長條弓弩吶喊堵截官兵分路三面夾攻斬賊數十中鎗滾岩死者不計其數復前進至黑鐵山脚遇有賊探望隨擒獲一人據供有附府猓賊潛匿河外大壘左右懸崖密箐前隔

大河是晚四更官兵繞河渡水於二十七日黎明  
齊至壘下賊裸滾木插石甚多官兵冒險殺進賊  
衆滾岩落水及中鎗死者無數生擒賊十名俱斬  
首割取耳記擒賊男婦一百五十一名口二十九  
日又擒賊一名訊供知魯得壘有逆賊數百拒守  
三十日官兵直搗賊巢賊復大敗奔散至於聚衆  
圍城拒敵官兵者則有那姑魯革等賊乃遣遊擊  
區明守備陳上志胡玉書等進勦據報十月二十

五等日帶領官兵前往黑魯搜勦途遇落水洞民人來報有賊搶擄男婦牲畜前去即尾追至那姑有賊五六百人前來迎敵我兵奮勇殺賊救回男婦一百七十餘名口牲畜百餘賊衆沿山逃竄隨分兵二路進勦追至法機見賊營盤十餘處隨即圍裹攻蹋賊營殺死百餘人生擒賊二十餘人俱斬首懸示至於勾結逆猥堵截江邊者則有阿固火紅以扯等賊乃遣遊擊韓文鵬守備李國柱等

進勦據報十月十七等日帶領官兵由阿固入火

紅拏獲漢姦首惡一名張蹶蹶隨搜馬纓箐斬殺

賊人甚多奪回難民八十餘口牛馬豬羊無數又

有火紅頭目祿承貴自行來投引至巴免海收窩

寨內拏獲頭人一名沙奴并阿固祿承鼎之弟阿

的虐查張蹶蹶素性兇惡聞烏賊悖叛即率領東

川猺賊大肆猖狂沙奴係祿承鼎親信頭人罪大

惡極隨解提督即將二犯釘手秤桿示衆軍民稱

快其阿的虐現監禁行營候審又據分遣千總劉  
蔭祖等帶領兵練由巴兔一帶山箐躡搜斬殺拒  
敵黑猓一十四名搜出大小男婦四十七名口并  
牛馬豬羊皮盔馬棉弩弓長條等物又據以扯苗  
寨頭人長命報稱有允苗老三野等十名曾同  
烏賊刦殺東川塘兵現將搶擄兵丁各物收存隨  
經拏獲男婦三十五名口隨將允苗等訊供確實  
即行梟示復帶領官兵自以扯起營前進巴兔地



方查有石土庫黑猱附和烏賊殺人行兇隨往躡  
搜賊衆齊來拒敵官兵奮勇斬殺一十九名其餘  
滾箐脫逃擒賊男婦三十九名口搜獲牛馬豬羊  
并漢人衣鞋等物各訊確供俱稱祿良珍祿良臣  
祿良宰祿承爵祿天錫等皆逃匿巧家營臣查巧  
家營地廣猱強又緊連川界素稱賊藪自東川官  
兵各路搜勦賊首祿良珍等無可踞守遂皆奔巧  
家欲逃入川賴川省官弁一遵臣檄沿江堵禦不

得潛遁而提臣派往官兵已三千四百名若令進

勦早已擒獲掃靖奈遲疑觀望僅著落該頭目擒

獻准其贖罪以為妥算

臣

料賊係緩兵之計恐致

遠颺因徑檄諸將限日攻擒而諸將既奉前令不

得不候示乃隨據稟報賊衆已潛匿各寨已搬空

願甘擒獻之頭目亦竝無消息張耀祖見

臣

言已

驗始飛飭合攻雖諸賊首斷不能漏網而機已洩

時已廢矣況東川一日不清張耀祖一日不能過

江烏蒙一日不定諸夷一日不能息心滇黔四面  
苗獯愚者皆懷隱慮而張耀祖動念不及此殊不  
可解也臣備悉情狀恐并誤烏蒙隨飛咨嚴催令  
於東川一萬二千兵內先撥四千名過江聽總兵  
哈元生調遣於十一月初一二等日始派三千兵  
過江至今尚未足四千之數查烏蒙既復之後哈  
元生營兵時不滿六千即以一支部遣叅將康世  
顯由魯甸至牛欄江以接引東川以一支部遣遊

擊曾長治由龍洞山至法漏壘以接引鎮雄臣因

臣

因

其膽勇過人或恐失之躁率經屢檄切札囑以深入尤宜嚴防大勝勿忘小挫奇兵不可以屢用險事不可以倖成務候東川兵到再圖會勦等語嗣據康世顯具報十月十二日帶兵至高魯十三日抵魯甸凡經過村寨賊皆逃竄只搜出裸賊搶去五子礮一位陵鎗十二桿并鎮兵盔甲俱已被賊損壞救出原任烏蒙遊擊張鶴之妻與子并兵妻

數十口逃難男婦五十口十六日已抵牛欄江  
令守備徐國佐帶兵搜勦進至補多地方遇逆賊  
七八百拒敵官兵奮勇殺死逆賊百十餘人斬首  
級二十餘夥隨令徐國佐監造木筏搭設浮橋更  
遣把總楊旭帶兵三百名直抵東川府城迎接提  
督是東川官兵料可以徑渡矣又據曾長治報稱  
十月十六日帶兵起程至龍洞山十七日抵法漏  
後壘逆賊滾木擂石堆積如山矢石頻施官兵冒

險攀援直上施放鎗礮打死逆賊十數人賊勢大潰隨星夜於下江搭造橋梁以待會合而鎮雄官兵亦早已遙應凡此固諸將之奮勇實哈元生之效忠較之東川提鎮猶未可僅以強弱論也惟是哈元生行營地勢甚危兵力尚單不知內顧一意前驅乘康世顯曾長治之勝乃復前後分遣三百兵令遊擊王弼巡遊近地又遣官土兵五百名令外委土目等運糧魯甸又遣八百兵令千總蔡之

斌陳策等搜捕江邊以致王弼欲擒逆賊貪功深入陣亡於高魯寨損兵百餘外委所帶運夫被截於馬鞍山損人二十此即躁率之過亦不得為哈元生寬也而遣往江邊之八百官兵於十一月初四日由魯甸一路巡抵江邊復回至魯甸對面之五顆樹遇逆賊五六千人官兵搶踞山梁賊衆四下圍繞正在相持之際適有臣催調過江之遊擊曹士貴王先等於初四日自火得紅進兵已抵魯

旬聞有鎗礮之聲即催兵前進隨一齊奮勇裏外  
衝殺賊衆大潰我兵跟追至草海子地方殺賊百  
十餘人而烏蒙應援之兵亦至竊查魯甸係首惡  
之巢穴牛欄江實兩郡之咽喉是以臣咨札提臣

催兵速進甚詳甚切至再至三向使過江官兵但  
遲一日不及應援則八百漢土官兵縱極勇敢亦  
豈能當逆賊數千而張耀祖聞報始謂臣籌慮周  
詳嚴催過江適逢其會撫臣司道見者皆笑之而



深鄙其老師玩寇忠義之無存也今張耀祖過江  
無日哈元生已於十三日分兵六路搜勦烏逆留  
副將徐成貞防守大營現據徐成貞報稱大兵既  
進恐逆賊狡猾反由擦拉松林一帶出沒滋擾因  
於十五日戌刻密遣烏蒙把總施宏義等帶領官  
兵潛伏撤魚河隘口埋伏堵擒至四鼓果有賊衆  
二百餘人持掛刀弩長條暗出松林一遇我兵即  
行拒敵我兵截殺猱賊數十人帶傷陷入擦拉海

子死者十數人餘皆奔潰又據副將楊馥遊擊曾  
長治等報稱十四日由普折槽大箐進勦所經道  
路約八十餘里僅羊腸一線凡緊隘處所賊皆將  
木石截斷官兵於箐中另開路徑攀藤附葛而進  
將至白卧地方有賊衆前來拒敵官兵奮勇鎗礮  
打死賊數十餘衆潰敗隨追至白卧寨四面搜擒  
等情又據哈元生報稱自十三日起程至撒魚河  
駐劄賊皆逃散十六日自撒魚河跟踪搜箐抵小

涼山止見賊營數十處並無一賊十七日前進有  
逆賊空寨煙火尚存所宰牛羊並糧飯等項拋撒  
過半隨追至大涼山劄營躡至離營五里之內接  
連切黑蘇寨後一大深箐箐口劄木城五層堅固  
難破隨造硬擋牌抵擋弩箭以近木城十八日先  
遣土目安疆等率領阿底土兵撐架擋牌攻進隨  
用鐵礮點火拋進賊巢聲响如雷礮殺逆賊五人  
餘衆獸奔山谷震動我兵尾後追殺逆賊仆巖滾

箐併帶傷及死者難以悉數等情是兩路官兵聲威大振其餘四路諒即報捷東川聯絡鎮雄會合烏蒙逆賊料自不難平靖矣再鎮雄一郡早已寧帖附逆各寨俱經勦除節據叅將韓勲具報前據土目夏虐報稱逆目施額等賊勦戮未盡復勾通烏賊招結鎮屬夷良逆目作叛即帶領官兵星赴賊巢施額賊黨知覺逃竄復追至河邊多已過河僅殺賊二十餘名獲烏鎮所失盔二頂鎗三門隨

焚燬賊壘起程沿途撲滅逆猓村寨百十餘處至  
革洛箐內獲賊男婦二十餘名口十月十八日前  
攻法漏壘會合曾長治及至法漏曾長治已剿賊  
先回隨於二十日自壘起程由戈魁阿路一帶至  
銅廠溝搜擒男婦三百餘名口并獲牛馬牲畜等  
物二十四至二十九等日搜擒賊猓男婦一千五  
百餘名口并獲牛馬牲畜無數招安得阿度阿庇  
抹得罵色措洛罵色及阿布洛澤等暫羈行營三

十日已破伐烏闕又前分遣之守備馬騏自奎鄉起程直抵渣多巢穴據土目夏虐引路擒獲渣多惡黨阿東母黑魯所阿阻共四名盡燬賊寨在以洛剗營又離行營四十餘里有灼佐奎乃渣多洛澤阿路阿布等逆賊出沒之所壘上現有逆賊數百聚集隨連夜帶兵三路前進活擒逆賊一百二十三名賊婦子女一百九十四名口又巡至戈魁河拏獲一百三十四名口又前分遣之守備李守

祿由右路大支壩搜擒阿路羽黨亦獲男女一百  
餘名口牛羊牲畜數十隻已至伐烏關與官兵會  
合等情查伐烏關係大關之外衛與甕迭奎相近  
伐烏關既破大關斯可進攻然烏逆賊衆皆嘯聚  
大關合力拒守猶難遽破經韓勲密查甕迭奎逆  
目祿鼎新現住洗馬溪阿業家阿業并收養大關  
等處兵丁以待招撫乃密差千總譚盛元協同土  
目夏虐前往偵探回營招得甕迭奎逆目祿鼎新

洗馬溪土目阿業黃水塘鄉約符子章并帶回所  
保兵民家口並雄魁甕迭馬湖等處客民三十餘  
人到營據稱叛孽係大崎肱固固祿世昌等逼令  
起兵而黃水一帶村民皆無反意初阿業聞信即  
率伊子祿萬全保護官兵客民不敢從逆并千總  
王家彥付以養活兵丁家口銀二百兩亦原封存  
貯俱係實情等語查逆賊祿鼎新係祿鼎坤之胞  
弟即阿業情偽亦未可遽信然因其授首暫且羈



縻以取甕迭而進大關亦殊計之得韓勲乃准其  
招安隨於初四日先遣官兵占踞甕迭壘其時川  
兵已駐劄豆沙關並可為遙應於是進兵黃水河  
分派守備王應熊等由麻柳河進攻大關之右守  
備李世祿等由呢勒進攻大關之左韓勲親率守  
備馬騏等由葫蘆口進攻大關之中又密遣千總  
譚盛元帶領土目夏虐等於先期由地瓜坪潛透  
老林至雄魁腦以抄大關之後進至深溪溝官兵

會合四面夾攻立破賊營排柵五層殺傷無算賊  
衆大潰隨克復大關占據劄營時川省官兵亦於  
初六七兩日攻破小關占據鐵線溪汛地不約而  
同誠可慶幸等情臣查大關為一郡之鎖鑰實三  
省之樞紐川省遊擊李繼經等奮勇協力久欲進  
攻大關以賊勢甚衆未便輕率今川滇會合大關  
已破則三省之血脈皆通四路之聲威齊振不獨  
永善一縣計日可復而烏蒙逆孽實不難淨盡根

株矣至於川省調兵先經提臣黃廷桂一面聞信

即派遣官兵於筠連雷波等界分派堵禦及臣咨

到後又節次添撥官土兵丁於鎮雄會川等界以

為應援而署督臣查郎阿撫臣憲德皆飛檄嚴催

一體關切自十月初旬守備王敬簡已抵鎮雄遊

擊李繼經已抵鹽井渡遊擊王谷宰已抵雷波及

節次准據川省咨報稱筠連縣小壩河西猺賊二

百餘人將筏縛竹渡河後有續到不知其數賊既

過河去筠連縣僅三十餘里筠連向無城郭止有

李繼經兵恐賊衆難禦又稱猺賊將約同涼山一

帶衆夷來搶雷波又稱猺賊渡河已抵高縣邊界

迫近筠邑又稱檜溪蠻夷狂悖殺害阿興土司安

永長燒燬房屋雖有遊擊王谷宰帶領兵丁應剿

尚慮兵單且雜谷土兵未到等情臣查得川省督

撫提鎮諸臣雖派遣官土兵丁六七千名應援堵

禦但程途遙遠一時不能遽到現在李繼經王谷

宰等實係兵單若遽令深入則川境可虞況烏郡  
既經恢復恐逆賊勢窮或將渡江入川故權其緩  
急隨飭各員所有川兵應先清川界并嚴堵烏夷  
俟川界事竣再聽調會剿至東川官兵已有萬餘  
即川兵到日亦只須於江外堵禦可不須渡江等  
因去訖續據川員各報遊擊李繼經已克取豆沙  
關遊擊康國泰已搜勦會通溪遊擊王谷宰已克  
取撒水壩并分遣撫提鎮標及龍安普安安阜等

營千把兵丁克取檜溪之大關口小關口及七勝  
關口復連取黑鐵寨六合寨等處官兵奮勇各有  
擒殺并獲刀弩鎗標及牛馬米穀等物遂尋獲土  
司安永長并妻王氏及子女屍骸又安永長代筆  
夏姓及子之屍骸俱交安永長之弟安文俊領回  
收殮於是川屬之筠連縣高縣均已寧靜而遊擊  
楊澤厚汎接東川領兵勦堵已抵金沙江邊見有  
潛逃過江之猺賊約有千餘官兵奮勇鎗礮打死

並滾岩落水者不計其數生擒男婦二百餘人并  
獲牛馬豬羊弓弩腰刀等項甚多又據會川營遊  
擊張榮具報擒獲東川竄賊盡悉造叛刼厥情由  
緣現在進剿不敢擅解俟將渠魁擒獲之日另報  
等情臣查川省官兵雖各為邊界而齊心協力殊  
不減於滇黔川提臣黃廷桂速調勤籌惟恐遲悞  
則轉甚於本省提臣張耀祖至楚姚鎮總兵官祿  
退縮姦狡事難枚舉不但為總兵哈元生及奮勇

之將所不齒即肝膽備弁血氣兵丁亦皆有後言  
此皆兩省文武所共知其忿臣固不敢少為隱諱  
以博寬厚者也竊思烏裸之變備極兇殘侵犯各  
邊擾動三省猖狂實甚驟滅殊難仰賴

聖主仁威將士效命漢土同心故恢復郡治不及二旬  
克取三關纔經兩月今雖東烏羣孽尚未盡剪除  
而合勒分搜總難漏網即永善一處差為寫遠前  
已據該縣夷民呈訴並未反叛俟官兵一到應即



懽迎合看情形似可無煩

聖慮其川屬之黑骨頭蠻惟沙馬之女土官尚知約束  
此外如阿驢阿都阿布路以及涼山各處直至腊  
汝窩一帶率多兇頑難以馴服據臣愚見或於適  
中之竹墨地方安設重兵并分佈營汛俾與附近  
鎮營聲息相通以示彈壓如有現應懲創之處趁  
此兵力於檄撤凱旋時隨帶清除庶一舉兩得於  
川於滇皆可免後患但事關重大尤須熟商擬俟

烏蒙諸務一有頭緒即密札黃廷桂囑伊妥計作  
何料理聽川省諸臣運籌臣當盡心協辦是否有  
當恭候

訓旨遵行至臣忝荷

殊恩限於才力於親轄邊夷尚不能安輯何顏復向鄰  
封更言兵事獨以寸心微願惟我

慈父鑒憐若動念利害少顧嫌疑即是悖負恐無與於  
人倫也除俟逆首就擒先黨盡戮即將勦撫緣由

傷亡名數分晰詳叙繕疏

題報外所有剿除逆賊疏通兩郡恢復三關各路報捷情形合再奏

聞伏乞

聖主睿鑒再事緣軍務不敢太畧詞過冗瑣合并聲明

臣謹

奏

所奏情形朕皆備悉矣

雍正八年十二月十七日雲貴廣西總督臣鄂爾

泰謹

奏為恭謝

聖恩事雍正八年十二月初七日臣差報捷軍前守備

段福家奴七斌荷蒙

召見賞賜馳驛齎回

御賜臣內織寧綯四疋人參十觔哈密瓜四圓鹿尾六

隻鹿腸二副鹿肉一簍野雞十隻晾羊肉一簍抵

滇隨郊迎至署恭設香案望

闕叩頭謝

恩祇領訖臣敬詢

起居備悉

天顏和悅精神煥發實不勝懽忻額手稱慶及啟摺扣  
荷蒙

硃批朕躬安好聞卿烏蒙報捷恢復心神暢悅額慶之  
餘更增安適矣想卿近日必大愈如常精神復初也

欽此又

批凡此實皆無能不及一時昏愚之所致當自省黽勉  
況萬里之外似此存心何益之有徒自苦耳殊屬不  
必愛身二字莫要於此除此之外便奮志亦不能免  
背負當銘刻誌之欽此臣跪讀之下如親觀  
慈顏如親聆

天語感幸無似繼以涕零竇有不敢卒讀不能卒讀者  
遭逢至此復有何言伏念奮志只堪供職愛身斯

可酬

恩背負論心馳驅緣事此中通窒分量限之臣無能不  
及未窺理要之處自省殊多固平日識見之差誠  
一時昏愚所致茲蒙

慈訓諄切開明惟當終身銘刻黽勉上達若既知如何  
是背負而猶不能改過是尤背負之甚者也至臣

微軀偶恙自十月以來早已全愈復初近日精神  
欣悅覽之

尤覺加倍況烏蒙業經全復目今通局大定而雲

貴兩省風日晴和氣象舒暢遠近豆麥青蔥春熟  
可卜且於本月十二日巳刻省城慶雲復現迥異  
尋常軍民懽幸莫不踴躍臣仰窺

天心深感

聖德何喜如之心悅神暢日且加餐懇祈

慈鑒勿為臣廛念臣於萬里之外即魂夢俱安矣再臣

家奴輩全無知識且甚糊塗屢蒙

召見面諭恐怖之下多不能記述臣雖細體



聖意詳問敬錄知猶多錯謬更可不勝惶悚合併陳明謹此  
繕摺恭謝

聖恩伏乞

聖主睿鑒臣謹

奏

覽卿奏謝矣

同日又

奏為南掌使回莽國請

貢事雍正八年七月初七日南掌國使叭猛花細禮  
松花等回至雲南據稱小目等邊遠末夷蒙差送  
到京得親見

天朝聖人賞飲食賞銀兩賞緞疋駐劄會同館日每諸  
大人照看復

賜宴兩次又

欽賜南掌國王

敕諭一道及文綺器皿諸寶物著五年進貢一次所有

恩賞國王以及先日後生人等各物謹開單呈驗

臣

隨

逐件敬閱宣示

聖主至仁至誠中外一視至意以猛花等合掌叩頭齊  
稱南掌遠處遐荒亦無可圖報惟有回至本國告  
知國主世世頂戴并遍告鄰國使知

皇帝聖仁各各歸誠以少效犬馬

臣

剴切獎諭之過數

日伊等赴轅具呈稱外夷心直不知有貳嗣後南  
掌諸事惟大人之命是聽其餘不敢信從

臣

面示

云我雖總督三省撫綏各邊不過是箇中等人

朝中大臣比我强者甚多我去後繼來者定强似我  
傳知你國王日日見天即想著

天恩不得少存意見伊等懇求記驗臣令陞任元江知

府遲維璽給小圖書一方諭以但見此記即是我

諭遂復忻然領諾隨又諭云爾等離國已一年多

了歇息幾日可就早些回去據稱小目們如今是

天朝人到了雲南就是家一般願多住此時纔去臣看

叭猛花等雖係小國夷目殊有向慕依戀之意因  
於八月二十六日始派撥夫馬供應仍令經歷姜  
際昌把總康天錫沿途照看伴送回國茲於十一  
月二十日據元普總兵官邱名揚普洱知府佟世  
廕等各稟稱南掌國使九月二十七日到九龍江  
一路平安懽忻無似十月二十六日已起程回國  
先於十月十六日有莽國差大頭目猛古叮叭喇  
并小頭目二人先目六人來車里因刀紹文准承

襲宣慰特來致賀適遇叭猛花等捧

敕齋賞回國隨來見伴送差官經歷姜際昌等亦往答  
看知府佟世廕等聞知復令守備燕鳴春過江犒  
賞莽使問其來意并告以南掌國納貢蒙

恩備細據猛古叮叭喇等合掌稱頌

皇帝實是天宣慰這小年紀就承襲了官且將南掌外  
國如此十分加

恩回去告知國王明年一定進貢懇預先稟明雲南大

人求准代奏等情臣查莽子國亦名阿瓦距南掌

東南計程四十五日較南掌强大如八百媳婦景  
邁景線等皆其屬國若得該國歸誠則滇省邊域  
更可永固藩籬矣竊念鑿齒雕題猶往史之所已  
載南掌莽子實前代之所未聞欽惟我

皇上德洋恩普豈止重譯來朝慕化輸誠時見遠夷入  
貢此日使回但聞一路謳傳幸陪臣得見

天子彼方人至復從萬里逖聽誦中國上有

聖人故捧

詔言旋羨承

恩之恐後而舉踵內嚮卜來歲之可期此雖外域竒逢

良屬

天朝盛事

皇恩大矣試看聲名洋溢於蠻貊之邦臣詠康哉願操

翰墨編著於方輿之冊合先繕摺奏

聞伏乞



聖主睿鑒

臣謹

奏

極好之事此皆卿代朕宣猷之所致但總宜聽其自然  
不必有意設法誘致蓋此等事乃國家榮幸之實跡惟  
靜待

天恩非人力之所能者

同日又

奏為欽奉

上諭事雍正八年十一月初九日承准大學士公馬爾  
賽大學士張廷玉蔣廷錫寄信內開雍正八年十  
月初九日奉

上諭各處苗蠻獍獍等秉性暴虐久為地方之害不得  
不加懲創化導以安良善而格兇頑俾共享太平之  
福並非利其民人土地也及用兵勦撫之後其渠魁  
有應得之罪或將其家口賞給兵丁以昭國法若夫  
脅從附和之人誅之不可勝誅既已寬其重罪即當

還其家口復其故居仍使之骨肉完聚則彼心無繫

戀易於管束可不至於反覆靡常矣即如進兵之初

於扼要之處自不得不焚燬闕隘以破其險阻若室

廬房舍之可存者仍留以為歸順後安插之地此亦

法外之仁也以秉性兇惡之人而失其故居離其親

屬則心懷忿恨往往不能帖然寧靜臣工中有如此

條奏者此乃通論苗蠻情形非因烏蒙之事而發也

鄂爾泰年來經理苗疆自有寬嚴適中之道爾等將

此再寄信告之聽其酌量辦理至於烏蒙地方將來  
平定之後應添設兵丁以資彈壓亦有如此陳奏者  
可一併寄與鄂爾泰知之欽此遵

旨寄信前來等因

臣

捧讀之下仰見我

皇上矜憐異類寧輯巖疆之至意藹然惻然無偏無倚  
敢不凜體敢不熟籌隨已敬錄數道傳示軍前提  
鎮并切札諄囑令通諭將弁遵照去訖伏查雲貴  
川廣漢少民稀在川為蠻在雲貴為苗為猺在廣

為獍為豺獍為豺狼雖種類甚繁強弱不一而暴

虐兇頑若生天性至烏蒙一隅則盡係獍屬獍悍

橫恣已歷千百年流毒最久臣前經理改流原以

計取並未大加懲創今日反覆故所應有特鎮將

庸劣全無隄防倉卒傾陷恨不及料耳茲既明肆

悖叛屠滅有名若復少事姑息貽害何底臣意祿

苗族姓務應盡戮逆目惡黨務應盡除所有家口

自應賞給兵丁或內有賊眷係各土司親屬不便

分賞以啓釁端者則照例發遣其脅從附和之人

雖不可勝誅但有證據俱未可寬縱或還其家口

使之完聚俱遷徙寧古塔或剝去右手割去腳筋

仍復其故居應按其情罪審其頑懦再酌量發落

其東川各寨有苗子乾猓羅二種舊屬馴良不應

驚擾惟黑猓禿頑故乘機起事然較之烏逆亦應

分首從臣意除酋長頭人務嚴勦窮搜或誅或遣

不留一孽外其餘脅從附和但來歸順概予安插

庶不為地方之害亦不失法外之仁至於扼要關隘及深密箐林固不得不焚燬以防埋伏即室廬房舍於正當搜擒時或需用火攻或恐其復聚亦有不得不焚燬者若並無阻礙原俱可存留臣於調遣官兵後即經詳切檄飭毋濫燬民房藉端擄掠毋徒焚空寨捏報戰攻其凡肆行焚燬者半為藉端捏報地但使將帥嚴明自可不禁而止此事關係全局又非止為充惡忿恨慮臣惟當勤察未

敢信其必無也現在烏蒙地方不日可以平定論

該鎮營制兵額二千八百名原不甚單若再添設

更足聲援

臣

查大關永善係左右兩營汛地緊接

川蠻而甕迭伐烏米鐵豆沙等處俱屬險要魯甸

涼山係中營汛地逼近牛欄江潛通川界及巧家

營又接連火得紅鸚鵡嘴直達東川或於該鎮准

設四營每營一千兵以一營駐防魯甸將中營舊

防兵俱撤歸府城以壯聲勢其左右兩營凡險要



汛防既已添兵均可增設是共添兵一千二百名  
既彈壓有餘并調撥有資矣烏蒙既已添兵鎮雄  
東川額兵數用可不須議添惟威寧地方夷人強  
悍額兵一千名除分防外微覺單弱或添兵五百  
名改營為協分為兩營設副將一員中軍都司一  
員守備二員與烏蒙鎮聲息相通似更易於控制  
此外則尋甸一州雖屬內地實為東烏咽喉查雲  
南省城除城守營外督撫兩標額兵六千六百名

儘可分撥擬於兩標共撥兵一千名移駐尋甸設  
叅將一員管領仍歸臣標統轄以備策應其曲尋  
鎮原防尋甸兵丁移駐羅平添防粵境庶通盤合  
算皆可備應援而資戰守即遠近苗蠻亦或可消  
其窺伺矣此臣愚慮所及未敢定議俟與提鎮諸  
臣詳籌妥酌再當請

旨外合先覆

奏伏乞

聖主睿鑒

訓示遵行

臣謹

奏

卿籌畫措置自然周詳慎當朕凡聞有議論皆諭卿知之卿酌其宜而行之可也

同日又

奏為覆

奏事雍正八年八月初二日奉到

硃批所論甚是但朕於此等處實有所不忍卿可將朕  
意與卿之論詢問元展成必使伊得遂其情而朕心  
始安也或令暫來引見就便見伊老親之處與伊商  
酌奏聞若往返不致曠日愈妙欽此臣讀至實有所  
不忍及必使伊遂其情而心始安等

諭誠以天地父母之愛擴萬物一體之仁求諸史策君  
臣之際逾於家人父子不欲令臣下稍有不遂之  
情生民以來實未之有也臣爾泰感

殊恩之頻加痛雙親之不逮心動神愴不禁泣下隨敬  
錄

聖諭並鈔摺稿傳示元展成令其商酌據實回覆去後  
續於十一月二十一日據元展成覆稱接奉

諭旨荷蒙

聖恩聲淚俱咽莫可名言展成此生即捐糜頂踵亦不  
足以仰答

高厚今准十一月中專差家奴進摺陳情即取道靜海

迎養老親等語

臣

念粵西地方兩載以來互思整

頓諸事漸有頭緒該司具有肝膽才亦通達且撫

臣

金鉅與之和衷不致互相爭執僚屬皆相信服

可以效收指臂而目下開墾一案業奉

聖旨俞允將來一應事宜必須實心料理之員指示調劑籌畫稽察庶與

國課民生斯有裨益元展成既擬專差迎養似並不  
必令其來京引

見且聞伊父身體康健板輿到署家庭懽聚并得親見  
伊子之黽勉

王事不以私恩而廢公義伊父子之情必皆倍加暢遂  
實可以上安

聖心也謹繕摺覆

奏伏乞

聖主睿鑒

臣謹

奏

如此甚好前者元展成亦已具奏接伊父來任矣

同日又

奏為覆

奏事竊

臣

前報恢復烏蒙摺內荷奉

硃批韓勲此番之忠勇所建功績實史冊所罕載者朕  
欲即用為烏蒙鎮總兵已有旨問卿矣朕嘉喜之情  
筆不能諭當優獎者欽此茲於十二月十五日准到

部咨欽奉



上諭烏蒙逆蠻不法勾連鎮雄逆目梗塞道路抗拒官兵參將韓勲帶兵四百名當賊勢猖狂之時奮勇爭先破逆賊數千之衆頃據總督鄂爾泰奏報總兵哈元生副將徐成貞領兵前進於數日之內已克復烏蒙朕心甚慰此次進兵以寡敵衆壯三軍之氣而喪賊人之膽者則韓勲之力較諸路為獨先也朕意欲將韓勲授為烏蒙總兵官以獎勞績以鎮苗疆著詢問總督鄂爾泰如伊能勝此任即一面奏聞一面令

其受事或鄂爾泰另有意見亦即具奏欽此除具疏

題覆外

臣

看叅將韓勲係原任巡撫韓良輔之子原

屬將門雖非豁達之才實具忠勇之氣此番效命  
可謂忘身用鎮苗疆自可能勝任但烏蒙初復一  
切軍民事務皆資總兵料理在韓勲彈壓攻取皆  
可以優為而條理精詳尚有所不足是以恢復烏  
蒙後臣隨委徐成貞署事逐細指示令其調劑以  
搜勦之事專責之哈元生韓勲等茲蒙

聖詢據臣愚見或將韓勲補授別鎮總兵以示獎勵而

烏蒙總兵或即以徐成貞補授似屬人地相宜均可稱職至於本內有不便明言韓勲不能致減踴躍亦不敢將徐成貞竟請授總兵有違體制臣當斟酌叙

奏合先聲明又奉

硃批張耀祖朕原不深取因卿各處委遣皆能幹事而李衛復數次陳奏其優朕幾自以為識錯觀此則朕

前所觀究屬不爽不過一老練俗將耳此番舉止在  
伊亦竭盡心力奈其才有限何朕意欲調署固原提  
印哈元生朕向來甚以大器賞之此番恢復之功實  
非尋常人之所能者朕欲將哈元生補授滇省提督  
卿以為何如欽此又奉

硃批凡見此奏斷無不歡慶鼓舞愛服哈元生者況朕  
躬耶再徐成貞朕甚愛賞之前恐其行不逮言今觀  
此番奮勇尚何不可信卿前言只可副將之任則朕

觀人之識似較勝也朕今欲將徐成貞補哈元生之任卿以為何如可速回奏欽此

臣

看張耀祖人固老

練習本蒼滑前所幹事原無甚難此番舉止實屬可鄙

臣

已另摺陳明毋庸瑣瀆哈元生有膽有略

可寄全省十城徐成貞實力實心可為一方保障以俗將識張耀祖以大器賞哈元生以可信愛徐成貞

聖明洞照人無遁形實非

臣

愚所能跂及今既奉

諭旨將以張耀祖署固原提印則哈元生或亦暫令署

滇省提督待其成功然後實授且臣愚見雲貴兩

省雖同係苗疆而貴州尤為險要提督楊天縱年

已七十六恐不能久任原擬俟其休致懇請以哈

元生補授實能控制而雲南提督只須得守正急

公能肅軍紀之人即可資撫馭哈元生將來或仍

用貴州更屬人地相宜而古州等處并可以無虞

矣是否有當統候

聖裁至末奉

硃批覽凡犒賞此役皆從裕厚不可稍存省費小見公用正項只管酌量動用摺奏以聞朕自有旨諭欽此

臣當欽遵酌量動用固不敢過省亦不敢稍濫緣

賞以示勸惟在公當無關多少原皆足以興感也

諭賜哈元生徐成貞韓勲等翎子帽盒皮箱腰刀各件

臣已隨差守備段福齋送軍前親交祇領合併覆

奏伏乞

聖主睿鑒施行

臣謹

奏

覽另有旨諭部矣



硃批諭旨卷一百二十五之十六





總校官庶吉士臣侍朝

校對官編修臣沈清藻

膳錄監生臣楊金